



UNIVERSITÄTS-
BIBLIOTHEK
PADERBORN

**Bellum Sacrum Ecclesiæ Militantis Contra Turcum
Communem Hostem Christianorum**

Vaux, Léonard de

Leodii, 1685

Numerus Undecimus. Quâ ratione magni acervi pecuniarum facilè construi
possunt, & quis eorum fidelis dispensator ad expensas Belli Sacri.

[urn:nbn:de:hbz:466:1-64991](https://nbn-resolving.org/urn:nbn:de:hbz:466:1-64991)

gionem quasi exules, postliminio Terræ Sanctæ restituemus, Angelos Sanctos miro gaudio afficiemus, Dei-Hominumque gratiam, & Gloriam Æternam nobis conciliabimus. Amen.

NUMERUS UNDECIMUS.

Quâ ratione magni acervi pecuniarum facile construi possunt, & quis eorum fidelis dispensator ad expensas Belli Sacri.

§. I.

N Ec verò Belli nervus pecunia deesse poterit, si quælibet urbs, & Provincia vel modicum conferat. Unus Sanctus Ludovicus, olim omnes Belli Sacri expensas, per plures annos præstitit, nunc eas non præstabant universi Principes Christiani, illo longè ditiores?

Præsertim si Militaris Pragmatica observetur, ut milites frugales sint, in victu, vestitu, nec auro, vel cyatis, sed ferro, & hastis depugnent, uti faciunt Turcæ & Tartari. Quin & hostiles

hostiles Provinciæ, utpotè divites;
 & vastæ si subigantur, exercitus no-
 stros alent, uti priscorum Romanorum
 aluerunt: Ita anno elapso Asianus
 Bassa copias suas contra Ottomanos
 aluit ex ipsis Provinciæ Ottoma-
 nicarum vectigalibus, & tributis,
 idque copiosè, & splendidè. Ita olim
 Alexander magnus non nisi septuagin-
 ta talentis Bellum orsus, spoliis ho-
 stium, & Gazâ Darii, se & milites
 omnes locupletavit. Idem fecère Ju-
 lius Cæsar, Scipio, Pompeius, Han-
 nibal, Cyrus, Nabuchodonosor; ac
 nuper Saladinus, Tamerlanes, Ismael
 Sophus, cæteri que magni Duces, qui
 hostium opibus suos ditaverunt, seque
 vel Asiæ, vel Europæ, vel Orbis Mo-
 narchas effecerunt. Soli ferè Kosaki si
 hæc præda illis offeratur rem feliciter
 à se sæpius tentatam conficiant, nec
 aliud stipendium deposcent. Opes
 Asiæ offeruntur, Spolia Orientis,
 quis ad manubias tam opimas non ac-
 currat, imò advolet?

Bessarion Cardinalis, memoriæ pro-
 didit Mahometem, qui duo Imperia,
 duodecim regna, & trecentas urbes.

ipsamque Constantinopolim expugnavit, non nisi duos millones annui census habuisse: quis Christianorum Regum non habeat, longè plures? sed una Constantinopolis dedit ei prædam sedecim millionum. Porrò facile erit Pontifici maximo solidum Belli Sacri ærarium in annos aliquot erigere, si à singulis Regibus, & Principibus Christianis accipiat, quod quisque pro re tam piâ, tam utili, tam sibi & toti Reipublicæ Christianæ necessariâ, volens lubensque conferet.

Rex quilibet conferat millionem, Princeps vel Respublica quælibet aliquam millionis portionem, exurget illico ærarium, non tantùm sufficiens sed & abundans. Cujus ipsemet omnium fidelium Pater communis erit sapiens & fidelis dispensator, in expensas Sacri Belli: hunc enim tanquam Christi in terris Vicarium, & visibile ac unicum militantis Ecclesiæ caput constituit Dominus ipse, super universam familiam suam, ut det omnibus filiis escam congruentem, in tempore opportuno: certè nemo alijs illo ad hanc dispensationem con-

venientior reperiri potest. Omitto ultroneas mercatorum, aliorumque divitum, in tam pium Bellum oblationes, pensiones opimis beneficiis, elemosinas fidelibus, in Jubilæo in hanc rem à Pontifice indicendas; ex quibus multorum millionum summa conflabitur: si quilibet ditiorum, vel aureum conferat. Ex tot divitum per totum orbem millionibus, quot aureorum milliones consurgunt? taceo dispensationum, privilegiorum, peccatorum, aliorumque multas, quæ piè ad tam pium opus exigi queunt & applicari.

§. I I.

S Anè Innocentius III. Pontifex quadragesimam reddituum partem Clericis omnibus in usum Belli Sacri in dicit, Regi verò Galliæ, & Regi Angliæ ita scribit, *Lib. 2. Epist.*
 „ 239. Tu ipse ad defensionem Terræ
 „ Sanctæ competentem in expensis
 „ tuis dirigas, numerum bellatorum,
 „ rum, quasi decimas saltem Christo
 „ persolvens, ita quod ex hoc divi-

5 nam gratiam possis plenius, prome-
 5 reri: Idem Pontifex rursus Cleri-
 cis per triennium, vigesimam reddi-
 tum partem in eundem finem, sub
 poenâ excommunicationis, indixit:
 euntibus verò ad Bellum Sacrum,
 tributa, quin & usuras creditoribus de-
 bitas relaxavit, ac generalem inter
 Christianos toto orbe pacem per qua-
 driennium servandam, sub poenâ Ana-
 thematis sanxit. Paulus III. Carolo
 V. in Africam contra Saracenos castra
 moventi, decimas omnium in Hispania
 beneficiorum attribuit. Pius V.
 Pontificios redditus omnes, in usum
 Belli Sacri similiumque piorum ope-
 rum contulit, ideoque illustrem illam
 de Turcis apud Naupactum victoriam
 retulit. Ergo summi Ecclesiæ Pastoris
 iudicio, & Patris communis sapienti
 distributioni acquiescant fideles filii.
 Sic sæculo elapso Alexander VI. Pon-
 tifex, Indiarum limites divisit, pro-
 priosque statuit Hispanis, & Lusita-
 nis: hinc utrorumque mira in his
 concordia. Hæc ergo Sedes Apostoli-
 ca, Sacræ hujus expeditionis, uti
 aliàs semper fuit, ita & nunc erit arbiter,

& Judex, imò Choragus Director,
& Moderator. Hæc Sancta Sedes cui-
que suas operas, & Provincias partie-
tur. Hæc Spolia & Lucra dividet.
Hæc lites omnes judicabit, & com-
ponet. Hæc novos Principes & Re-
ges, si opus sit, in Provinciis & Re-
gnis Bello acquisitis instruet, & crea-
bit. Hæc ratio ad commune Ecclesiæ
negotium conficiendum, uti maximè
opportuna & accommoda, ita hoc
fine à Deo provisa est & donata.

Denique obvia est concordiaæ ra-
tio, si quisque seorsim loco sibi com-
modo communem hostem invadat, &
quidquid ei adimit, jure Belli, tam ju-
sti, ipso facto occupet, sibi que vindi-
cet. Achilles Tarduccius libello quod
Turca vincibilis, demonstrat Tur-
cam à solis Hungaris vinci posse,
quinquaginta Christianorum milli-
bus in aciem productis. Suffragatur
Anonymus illi additus, de statu Im-
perii Turcici, qui per calculum A-
rithmeticum ostendit Bellum contra
Turcam geri confici que posse quot
annis quatuor auri millionibus, exer-
citu verò quadraginta millium pedi-

tum, & bis mille equitum, addita ei classe centum triremium.

Rursum Foedus Christianorum Principum, à Leone X. Pont. contra Selymum sancitum, ac Provincias cuique ad invadendum, occupandumque attributas, recenset Fridericus Guicciardinus, & ex eo Lazarus Sorantinus in Ottomanno, c. 118. qui addit Leonem decrevisse ante omnia vim auri maximam congerendam, tum exordinariis Principum Christianorum oblationibus, tum etiam ut singulis Christianis certum aliquod tributum hujus Belli nomine imperaretur.

